

南海先生詩集

三

康有爲著

康南海先生詩集三

商務印書館發行

寥天室詩集

康南海先生詩集卷之八

後學東莞崔斯哲手寫

乙亥之夏吾遊地居加拿大域多利之文島
名其室曰寥天海島雪山有憂輒能去勝遊
不可忘自甲辰十月再入加拿大遂再游美
墨再歸于歐鴻飛冥冥扶搖九萬則入于寥
天矣凡乙丙丁三年歐美之作都為寥天室

集凡六十四首其歐土國別之作先附于逍
遙游齋集者不計也

九月二十二重泛大西洋 甲辰

瀟：蕩：泛洪波萬里杳：無坡陀隔限歐美奈若
何南通非洲浩漠沙不知大地何年凝成壳不知西
洋何年窪成窩冰海之北冰山裂南流漸成洪濤多
爾來百千萬億歲渺無片帆隻艦一經過人世絕不

相通惟有鯨吞鯨舞門龜鼉日出月沒星辰炯雪山
映照碧浪漾若非冒險科命布十萬里新大陸今猶
莽榛柯野人盤據狂狸舞豈覩文明繁盛之國家巴
西萬里神皋沃神遊夢想巴馬孫之河吾國人民繁
已甚開新中國其有那移民不知始何日大願終償
吾則歌四百年以來檣艦飛渡踵相摩探闢新地之
大功若入新星界而上大羅五年三度遇此海海波

深碧若鏡磨登舫把酒祝海若安得再尋新世界吾
婆娑

三過落機山放歌

一歲住湏彌三度落機東球諸山湏彌最高峻西
球諸山落機最雄奇湏彌昔稱日月所出入我居大
吉嶺巔夜遊集仰視白雲一道橫天共河沒落機覆
壑五千里春夏秋冬巔皆雪峯萬重門開合東迎西

送皆奇絕石壁峭削立積鐵危嶂侵雲橫天曲城郭
以億垓直勒隊伍各戰決室蓋亭：出麾幢帳幕森
森劈斧鉞忽各萬馬擁旌旗銜枚疾走不可說漸登
其顛太平頂一白無極映明月高：燈摩上帝座去
天尺五捫星澈顧盼大地彈丸圓蹙踏五洲大陸裂左
提太平洋湯：右弄大西洋浪：瑤池閬苑我能識
呼吸雲氣挾雲收琪草瑤花自芬芳縞衣皓骨白雲

棠玉樓瓊宇白龍鱗舞白鳳凰白旂白馬相飛揚寒
天無極冰玉光穿三晝夜山陰陽雪峯侵入魂魄涼
憂煩銷去難侵攘眼簾變動皓茫：天上白如在玉
京飛揚忘我身世塵中忙人間豈有此仙鄉神人紫府
非渺茫昔年五月曾過此萬壑浸綠千峯紫澗滔激
湍碧白波撼撞山壁鐘磬和垂簾老樹縈岩陀青翠
□□可婆娑下臨絕□□□兩峯隔此可相摩□

□□□萬丈多架以鐵橋驟飛過隧道八十如山阿
漸下千里溪成河黃沙綠浪碧草槎俯視萬山白□
□人伏如平陂儀衛森列天仗如自霄從降泥沙迴
視蒼：雄秀倚大羅

遊加拿大詩

在加拿大聞償款加鐸價重稅頻加憂而有作
時甲辰十月也

幣償十萬、自古無此奇此金從何取刮自民膏脂
暮冬風雪裂行經山澤陂遇一老工者適自中國歸
自言事力作工價甚薄微手足生繭粟風雨沐艱難
有時感寒暑父母嗟寒飢辛苦扶病起頭昏扶鋤犁
一日之所得百錢僅能支官府勒取去巨金納于誰
奪我困中粟病母卧無縻取我機中布瘦兒寒無襦
我民何罪辜衣食絕無依民也資忠義愛國同有思

或者為國防強兵振天威或者為開學民智開愚癡
或者興農工富民補助資抑為大舖樂吾民同娛嬉
或者□君后歌舞湖山濱吾民亦效忠願貢之赤墀乃
聞道路傳強鄰實輸之三十有九年緬邈何長期官
府代追索骨肉受鞭笞我既擔重負老死無了時我
子尚被債我孫猶瘡痍苛征力難任避地走美非我
民實愚昧不識稅起時道逢歐洲人述此出宮闈汝君欲

變法汝后幽廢之乃擬立新帝太上為載漪友邦患干預客
館先長圍陰通義和團翼成廢立徽徧逐萬國人繫
殺無是非遂召八國軍長驅入京畿眾邦代定乱兵
餉索固宜非我外國督乃汝太后為汝宜自怨怒無
憤鄰邦師我乃如夢覺泣涕垂漣湏近者復加稅苛
重難訕譏謂因加鑄價千萬更支離和議已五年今
何翩反而當時所議定銀價非金貲銀價用兩別金

價用鏹持曾見和約文各國分索詞某國若干兩萬
千無錯遺無言鏹幾何約文豈兒嬉睦鄰久和好云
何當面欺此豈復成國索貢亦太奇竊意我大官聞
此峻絕其今者加搜括我民地無皮不敢怨外邦深
為朝廷悲未暇怨縣官天寒我無衣就令倍徙征亦
復無憂悲我家四壁立典鬻無所施仰天但長嘆今
夕灶不炊

鏐憤

八國聯軍已破京五年議約久行成
償幣只聞用銀兩和戎亦既竭
關征無端改作輸金鏐何異渝盟動
甲兵怪甚商於欺大楚笑同趙璧許
連城貢之不口猶藩隸師出無名是
奪爭不耻國交用貪詐誤他強盜號
文明無人謀者為秦國有瞽私焉是
宋廷肆索金繒遼使者可憐木偶漢
公卿既微管仲行披髮更

乞孫僑與軟盟信誓何須申旦：大橫無服諒庚：明堂大啟開民議痛哭寧無漢賈生

病卧灣高樂山澤浪游地多僵木皆數千年燒之以闢人居板橋四通行之無盡

甲辰十一月

板橋石瀨溜濺：臨水山花亦妙研行徧菜山看野燒荒僵巨木盡千年

嬉理慎泉看大雪湖溪泛棹

甲辰十一月加拿大

野日荒々暗松林杳々冥群峯皆雪色萬壑帶泉聲
僵木縱橫倒溪流曲折清白鳥同呬喋打槳一無驚
橫雲藏島嶼大雪滿林邱溪小成專制湖深得自由
波高揚泖溇天大聽沈浮泛々原無住行々任自休
再過烏閣道海峽最深幽翠厓劈兩峙綠水瀉中流
雪嶺看無已飛泉聽不休苔錢封巨石人跡少來游

重遊嬉理慎溫泉宿故店 甲辰十一月

重山伐木深通道山盡途窮見水明廿里烟波開嫵
媚萬杉樓閣對澄清嶺巔雪影兼雲影橋畔泉聲與
浪聲再循磴道摩林石雖酌溫泉已冷成

灣高華對海旅店夜步

甲辰十一月

海夜波濤拍岸粗冷風吹月渡明湖步逆烟剪巢邊
遇大雪封山萬樹枯

美洲土人名曰烟剪蓋印度
轉音也華人呼其屋曰巢

除夕加拿大海島卧病感懷五首

甲辰十二月